

景洪武本程雪樓集

景祐武本程雪樓集

程雪楼文集

一函 八册

北京市中国书店出版  
北京市新华书店发行

定价：九十二元

楚國文憲公雪樓程先生文集卷第二十八

奉直大夫秘書監著作郎男大本 輯錄

翰林侍講李市奉大夫制誥脩纂同知經筵事門下省校正

詩

次韻廣西王景韓憲僉見寄

江漢飄零一夢初少年心事了無餘  
双鳬乘鴈妨賢路五柳孤松憶弊廬  
黃鶴樓前塵隔扇碧蓮峯下雨隨車  
新詩乍見如公面有使頻將慰索居

次韻郭西楚見寄二首

我本山中一倦民出山猶幸挹真醇  
何妨共結雞豚社闔取樽前見在身

自別君來肺欲塵清泉那得取諸鄰  
夜來夢与山靈語華子岡頭見異人

次韻盧疎齋就以贈別二首

百川晝夜流萬折不能止羣山勢崩奔終古乃在此人生費  
推輓三嘆中夜起瀟湘有佳人朗月鑑秋水思之不可見曠  
若隔千祀相逢在歲晏使我寢食美又言當遠別東去數千  
里何由小躊躇招々彼舟子

芥石琥珀針不言自相得留君我無辭送君我無力願君加  
飡飯努力崇明德江空餘深寒出入慎扶翼梅花照清潁夢  
寐耿玉色矯首東南雲金門幸回憶

寄王寬夫侍御

墨池曾別右軍來回首何時笑口開昨夜東風吹好夢故人  
今上鳳凰臺

寄趙子敬治書二首

父老猶能記福星煌々今在太微庭五年江漢烟生土惟有

甘棠一樹青

南北參辰十五年  
狂奴狂態故依然  
何時握手平生事  
夜々南樓月滿天

寄潘景梁都事二首

渺々美人天一方  
思如江漢不勝長  
東風喚起三山夢  
月滿庭花幾樹香

憔悴江湖見在身  
十年前事只清塵  
鳳凰臺上闌干曲  
應念天涯有故人

觀空軒

焚蘭登上方  
倚策得幽觀  
塵心一昭曠  
風篠正凌亂  
道人欲觀空  
花臺對香案  
融融雨初潤  
靡々春將半  
未詳姚与魏  
穀葉珊瑚幹  
豈無豪貴惜  
亦有子孫看  
風光本何有  
可愛不可玩  
殷勤道人心  
邀我揭柔翰  
故知非佛事  
聊用標讚嘆  
無根

優鉢曇過眼河沙筭書成小窺簷紛紛現霄漢

舜舉畫棠梨練雀

霜暈棠梨臉風梳練雀翎含毫心欲醉開卷眼還醒

送孟子周御史

翰林逼華蓋李士如堵墻我昔從東來白鷗入鵷行又如彼  
棲苴稊米於太倉無補舜裳衣幸識堯文章孟氏古作者周  
鄒漢平昌當時梧竹間鳶鵠今高翔瞻前忽在後復若揚粃  
糠相知始相識此樂殊未央非無酒与肴三嗅不肯嘗英韶  
發孤奏二栢失老蒼何以傲歲寒篋笥留耿光何以慰別懷  
願保濟遠航

送劉欽天御史

乘駟万里行光華動南極江漢及早春草木皆喜色欽夫吾  
所欽握手如舊識詩書与礼樂談笑出珪壁寒亭列山尊我

欲勞遠客再四招不來威鳳方覽德使我心慙而無以見双  
栢忽辭黃鶴磯遄返烏衣宅瞻言在中河杳々浪花白天空  
雲水闊欲送無羽翼輕舟行順流頗以戒潮汐努力重明時  
壽身壽家國

周耐軒揔管挽詞

總角誇神秀懸車見達尊双旌傳宦李千里賴生存馬鬣山  
扉夜厖眉總帳昏歲寒留殺齒淒斷不堪論

鄧中齋挽詞

中齋吾所敬一別幾飛螢栗里藏名字歐鄉有典刑龍蛇那  
起起鴻鴈已冥冥淚眼河汾迷猶占處士星

送劉仲誠歸潯陽

不見匡山久高人得飽看遺民甘入社中允竟辭官南極光  
芒逼東風紫翠寒君歸煩問訊五老近平安

寄郭西楚憲僉二首

風淨看花陌上塵遙知露冕正行春  
麻姑定向方平語三十年来第一人

投林心似後棲鴉黃鶴留連老歲華  
千里家山棠蔭好春風何日岸烏紗

送尹生歸江西

江漢秋深鴈過稀悠悠歸思夢先知  
輸君去住無多事顧我留行待幾時  
野岸曉光千棹急平湖寒影數峯欹  
拍肩試向洪厓說倘有黃花覓一枝

家山飛雲圖

吳雲楚客兩羈孤我亦先人有敝廬  
風雪江湖歸路遠不知誰爲寫成圖

次韻程文卿并東憲府諸公

歲晚江湖一舸歸故人水驛寄新詩風霜客鬢非前日冰雪  
梅花似舊時閩嶠十年常在望西山千里重相思喜逢官府  
清平日林下從今生有涯

寄陳止善繡使

王春煦萬宇八使來宣昭使君古德星所至聞虞韶憶經沙  
羨陌弭節睠久要相望江北南鄙吝一日消漢江鴨頭綠奉  
以磊塊澆驪駒曲未終渺然但清颶匡山綵雲起綉衣已當  
霄迢迢江閩際往往山岳搖豈意桑梓間猶得親華鑣衡門  
劣容車聊以永今朝至今聲欬留使我神思超瞻言既匪易  
既見終成遙遙知按行處氣壓滄海潮繙經有晉石水底字  
未銷山靈知素約寤寐苦見招使君幸踐之毋謂方乘輶

次韻王山仲見貽

清退菴中老風流昔所親江雲猶薄暮宰木早先春文采傳

家舊詩章發興新  
朝宗秋水在去々自知津

次韻王子炎見貽

每逢佳句百憂寬  
頗覺鷗盟尚未寒  
傳語烏衣兩公子  
頻抄新作寄人看

西湖小景

一片無情水  
笙歌日日春  
至今圖畫裏  
輸与眼明人

送南豐曾敬齋李正歸省

芹藻香中識歲華  
滿懷霜橘苦思家  
來時賸載螺江酒  
要及枝南第一花

畫牛

觥觥春來苦羣兒  
未必知良工  
如有意好寫  
駕犂時

張山泉自愚莊來往仙岩

曾宿喬林絕壑邊  
月明終夜聽山泉  
宮商斷續初無譜  
欲問

張君借五絃

甲辰秋三台山房落成次人韻二首

隨牒年年東復西歸來結屋傍叢祠詩書何地不干載山水  
於人有宿期傳後莫忘初葉祖落成恰是菊花時君看石上  
晉人字一一琳琅金薤垂

書是先人屋壁藏牙籤重理鎮山房一爐香火見尊祖百世  
兒孫尚肯堂著在名山期衆共向來遺愛豈民忘詩成難盡  
意中事石磴蒼々澗水長

送益清陳君

齒宿如何意更新黃花清露共精神絕憐康樂樂經行地還遇  
淵明輩行人樓對夕紅誰拄笏澗涵秋碧斂垂綸區區太史  
占星聚不見高陽有後陳

次韻趙卿月見寄

林泉遺世味，幙府念平生。尺玉偏勞寄，雙魚不忍烹。有山隨李廣，無酒飲公榮。戲問朱簾客，應知暮雨情。

用前韻送閣伯雍

期子銷殘臘，寒江水又生。宦途謀北運，客味厭南烹。早就金門獻，先看玉樹榮。家公應問我，泉石正閑情。

題畫屏折枝十二首

牡丹

天香銷卯酒，國色艷朝暾。無地堪池館，留看到子孫。

雞冠

旌節餘空樹，金錢失舊妍。蕭蕭風雨夕，獨立聳貂蟬。

梨花

清香發妙質，皓齒映明眸。惆悵東園俗，移來白雪樓。

長春

生意春長在人間自四時紅衿暎肉色消得簡齋詩

黃葵

金椀傾初日檀心颭曉風殷勤挹黃露擬進建章宮

碧桃

平地碧雲起明璫冠翠蕤種時和玉露折處宴瑤池

來禽

婀娜骨仍瘦勻圓韻有餘折來配青李如對右軍書

梨子

玉屑金莖露蒙之紺色裹霜刀爲發部內熟得真游

枇杷

磊落黃金彈梢頭萬顆饒詩人如識面未必賦椒聊

木瓜

糝々金沙面宣城出貢餘倘令和鼎食豈必愧瓊琚

櫻桃

百顆輸先獻圓疑火齊甘赤瑛盤裏好味不改筠籃

石榴

珠囊碼碯裏玉醴水晶房三嚙華池潤仙家辟穀方

送章明叔

相看未足又相違鴻鵠東風接翅飛兩槳吳船人易遠一篙  
春水鰕初肥驚心幾度經年別握手何時萬里歸早向斯文  
收汗馬華岡南岸有漁磯

寄陸義齋憲使

關山不礙暗香來枝北枝南樹々開花外有人持漢節尋詩  
應上越王臺

寄姚牧菴參政二首

黃鶴山頭楚觀鍾喚醒陳夢欠從容歸來坐聽春林雨還憶

簾前翠万重

牛斗之間氣更明  
三台星裏見文星  
滕王閣上新碑刻  
處處人家有素屏

陳氏山居書院前剏橋名道山

共說山居好  
烟霞幾許深  
架中書有種  
橋下水無心  
酒聚陳遵客  
花留蔣詡吟  
宿春應可到  
吾亦慣登臨

補之畫梅

開卷見橫枝  
逃禪不可期  
忽思霜月夜  
獨坐小窓時

陳小庭求詩戲贈

羊角峯前擬峴臺  
竹林深處小庭開  
遙知日日吟詩苦  
損却空堦幾寸苔

李生北行

白玉堂容四海黃金臺  
貯千年好去江南年少薰風一路朝天

麓石圖

雲根無數壓溪灣  
万里携來只等閒  
我有澗邊蒼玉筍  
如何空寄夢魂間

送霍可與晉卿理問

素履詩書在明時  
獄訟稀鶯花梁苑酒  
金紫老萊衣  
外省分天綽南河近  
帝畿  
平反須作意回首是黃扉

劉敬之尚書挽詞

儒效通今古  
尚書獨邁倫  
風沙臣節苦  
禮樂國容新  
地隔龍泉夜  
庭留玉樹春  
曲終無限思  
併憶舊平津

白无咎素軒

下基厚地上高天  
飢即加餐困即眠  
幾度詩成還閣筆  
恐將文字浣天全

少陵春遊圖